

concilium generale, pro eo quod ita magni homines sicut octo cardinales Bonifaciani dicebantur de predictis rei. Et si non tangeret eos, sed tantummodo illos, qui se offerunt defensionem Bonifacii, adhuc non faceret de eis iusticiam sine concilio generali, quamvis essent parve persone, quia mundus oporteret sibi, quantumcumque iuste faceret, quod hoc fiebat, ne aliquis se oporteret ad defensionem memorie domini sui domini Bonifacii. Et est sciendum, quod licet usque ad hec tempora vocaret ipsum dominum Bonifacium, nunc in consistoriis publicis et privatis vocat pluries eum dominum suum dominum Bonifacium. (11) Captore vero testium predictorum incepit excusare, dicens quod non pecaverant. Et cum nos cum reverentia diceremus ei, nos non contentari de responsionibus predictis, pungendo eum cum reverentia, ut decebat, in secreto, prout alias consueveramus facere, non recipiens ita patienter et modeste, ut alias consueverat facere, dixit, quod omnes requestas nostras traderemus in scriptis et scripto in fine cuiuslibet responderet, et quod nolebat pro responsione haberi^a, quod verbo nobis dixerat, sed tantummodo quod scripto responderet. Quas requestas sibi in scriptis tradidimus. (12) Et cum ego G. de Nogareto de mandato vestro speciali^b requisivissem eum per cedulam, quia nolebat, quod in secreto haberem accessum ad eum, ut michi daret unum vel duos secretarios, quibus explicare possem quedam secreta, que preceperatis michi super hiis que dicebantur de ipso, quia ita repente promoverat regem Romanorum, et super quadam alligatione^c facienda inter regem Romanorum et regem Sicilie^d et de filia ipsius regis Romanorum collocanda in matrimonio cum filio regis Sicilie, cum regno Arelatensi et quibusdam aliis ei assignandis in dotem, que dicebantur tractari per ipsum papam, ipseque papa mandasset michi G., quod dicerem voluntatem meam . . cardinali Burdegalensi et . . camerario¹, et ego plene exposuissem eis^e predicta, prout erant michi per vos iniuncta, et ad finem michi per vos impositum, non in odium predictorum regum; ipseque camerarius verbis illis finitis in domo cardinalis Burdegalensis me traxisset ad partem et de illo tractatu olim habito super negotio Bonifacii michi loqueretur annunciative et per modum questionis, an essent perditi

a) 'heberi' am Ende der Zeile Or. b) fol. 1'. c) Das erste 'i' über 'e' corr. Or. d) 'S' aus 'C' corr. Or. e) Ueber der Zeile Or.

1) Das ist Bertrand tit. SS. Ioh. et Pauli. Siehe unten S. 629.